

密

菴

藁

密菴藁丙卷

門人始寧任

守禮校正

沛郡劉

翼南編次

近体五言

送劉用章郎中赴浙東李司徒幙

戰塵猶未息推節佐中台
幙府安邊策江山祖席杯
將星臨越地王氣藹蘇臺
努力成勲業徵書早晚來

將往齊郡別相知者

佳期定何許遠別在于今
去路隨歸鴈幽懷托素琴
春波楊子開雲樹穆陵深
相望餘千里瑤花好寄音

弔齊女墓

昔齊景公涕泣而女于吳
女悲思父母之國及病

且死曰必葬我虞山之顛以望齊也吳如其言而
葬焉在今常熟州洪武元年三月十一日余將祔
役于齊道出墓下以謂女之於齊父母也於吳夫
婦也然自吳望齊之心之死益篤不以義合而移
天屬亦至性哉而世傳望夫石往往詠歌之不置
乃如齊女之望父母其詠歌曾不必見余甚悼焉

賦五言律一首

遠嫁悲金屋長歸托翠岑當時女吳泣萬古望齊心
夜月青蛾細春花玉色深吾將適東海撫事一沉吟

望海門

海門天所闢潮汐幾春撞紅吐三竿日青吞萬里江
鯨波浮井邑蜃氣濕船窓利涉無辭險閑鷗泛一雙

淮海懷古

淮陰訪韓信海上吊田橫相去四百里青山接故城風塵
孤客淚義勇二豪名倚劍哦前史中陽太不情

過秦門在海州

秦帝何多歎勞民不暫開開闔各六國臨海望三山仙舸將
風解此輿載鮑還空令胸石閣相對愧蒼顏

登東萊郡城樓望海

賜谷知何地東萊倚郡樓日華明海夜沙色淨天秋徇祿
寧無恥歸田可自由望中三島近便欲附仙舟

既至淮州寄同考禮者膠西張紳士行工元楊翱文
舉吳郡錢達伯行鄭元長卿嘉陵楊基孟載吳興牟

魯仲望燕山翟汾文中東嘉余堯唐臣諸賢姜漸羽

儀余上虞謝肅凡十人皆自浙西而至南京者也
百戰重城破諸公此日危忽叔文苑士同草聖朝儀一苑
非余僭孤生念母慈故鄉瞻望遠愁絕髻成絲

次舍弟忠寄楊胡二守韻

伯弓憐叔也猶著密縫衣萬里長于役何年却賦歸越山
薇露長沅水鴈秋飛倚望勞慈母書來慎莫稀

次韻送周府引禮舍人崇德程原道奉使越買茶
北還

萬重盤鏡曲雲憂馬頭飛穀雨春芽摘東風使節歸吳鄉
歌隸萼梁苑賜朝衣還念烟霞客聽鶯獨掩扉

長律五言

送錢匏菴叅政再鎮兩淮二十二韻

豪傑扶昌運藩垣托近臣
明威重授鉞專制獨持鈞
幙府臨淮甸丘山奠楚民
雜耕洪澤曉列戍合淝春
可但嚴中閫應須守四隣
青徐雲擁塞襄漢月連津
破敵樓船壯衝虛鍊騎駢
三軍歸節制上相倚經綸
超秩袍裁紫安邊印佩銀
玉龍盟節潤駘馬鑿蹄新
慷慨踰天塹從容靜塞塵
輕裘垂帶緩橫渠賦詩頻
明審秦王猛廉清漢祭遵
戎兵終淨洗倉粟要相因
絃誦興多士謳歌樂野人
長才今盡用屈志獨難伸
兩楚從游地三吳送別晨
未能蠅附驥常恐玉為珉
自我逢時否須公解世屯
旁恩流草澤包貢上楓宸
復見車書混仍還風俗淳
功成當入覲高閣畫麒麟

江陰江自中次錢塘趙用行韻

時往齊郡

風流白面郎生長古錢塘麗賦千金直雕弓二石強上堂
絳父老謁帝入明光玉醞初筵賜宮衣內使將萬言論至
治一德頌興王共擬龍騰劒那知驥服箱高才憎命達薄
宦幸時康試鼓琴三疊仍傳酒一觴早鶯啼野館獨燕掠
雲檣江塹雄南紀河流帶北方雨晴關樹碧天闊海山蒼
浩浩登長路悠悠別故鄉王程知有限民社視如傷養爾
風鵬翮終當九萬翔

太行山五十韻

洪武十年余自越中北走燕南西度太行寓并汾
南取道于覃懷絕河汴淮江以還蓋太行東西咸
歷矣乃作是詩

宇宙尋陳迹山川攷夏書遂浮天塹筏來駕太行車脩坂
雲端走連峯石上驅嵒嵒赴脩武綿亘達幽都既接常山
峻仍臨碣石孤大河三面帶滄海一浮孟天井關雄壯羊
腸路鬱紆八陁天設險九塞地呈圖河朔元爲脊星躔恰
應樞陰陽鍾秀異土壤劇膏腴五穀資民食群材副國儲
蕭森羅杞梓卓落挺杉櫟檜栢參天直槐榆向日敷隰原
紛黍稷畎畝雜稭稊麥先秋刈蔓菁冒雨鋤翠叢分韭
薤碧蔓引瓜壺豈但羣蔬囿由來衆藥區人參供土貢國
老應時需苓產松根羨脂生石裏濡膏應蕤核療嗽必欸
冬除叅錯梅桃樹崢嶸橡栗株霜梨包水碧露棗濯珊瑚
百谷喧啾鳥重淵撥刺魚磨牙衝狹狹過跡看於菟木客
頻來往清猿或嘯呼陽坡奔鹿豕叢薄隱熊羆動植皆云

遂躋攀敢憚劬哦詩泣山鬼岸幘似仙儒流水鳴焦尾晴
虹拂湛盧蒲萄微醉了杞菊飽餐諸芋茂眠歌藉泉香渴
屢鄭白雲生絕壁古雪積深渠環塢疑城郭回崖失道涂
炕烟多燠寢陶穴盡安居生齒何其衆淳風慎莫渝觀游
吾豈倦行邁僕將痛謾爾窮朝夕悠然念古初懷襄存禹
績左右奠堯墟周獵登千騎秦徭塞萬夫蕭王踰射犬漢
祖距飛狐魏武摧輪恐文皇拓實謨陞兵楚王信晉甲李
司徒出壘曾戲史臨洺更斬餘飛揚皆自此形勝定何如
聖主家天下蒼生率海隅茲山鎮中域爲國壯方輿偶踏
烟霞表聊將意氣舒揮毫余解賦好事孰言迂始恠夸蛾
負終尋李愿廬烏巾白羽扇放鶴向天衢

近體七言

宋內門

何處前朝帝豹關
海鮮橋上雨斑斑
落花暮逐流觴水
芳草迷疊石山
列帝玉魚孤塔底
梵王金構夾城間
空餘往事南翁說
汎海龍肩斷不還

長安堤

海寧州西來往頻
長安堤上最傷春
東風桃李非無主
歸燕樓臺不見人
天末雲帆隨望遠
雨餘江草喚愁新
故鄉門巷干戈底
越客相逢話是真

次韻朱主簿長慶寺賞牡丹

每說花中亦有王
解將穠豔壓年芳
翠華淺拂春風暖
仙掌高擎瑞露香
曾笑太真追勝賞
不勞飛燕比新粧
風流

今屬羣公詠此日祇園醉幾觴

題月山赤水洞天

雲北雲南山萬盤仙人宮闕俯巔岼晴峰落影半天碧雪瀑飛花六月寒白日雙鸞翔玉宇長年一席卧瑤壇桃花莫使春光老遲我歸來轉大還

送浙東憲史陳天祥歸永嘉

送客臨江小小亭官梅華發酒初醒
自前浪起蛟門白馬首風回鴈蕩青
進食吏人趨傳舍
掌衣兒女拜中庭
會令憲法行東國三尺銚刀始發硎

奉賀太尉丞相康里公受苑馬上尊對衣之錫贊趙海漕

上公仗鉞維藩壯天子臨軒錫馬蕃
金織雲龍衣一襲黃

封蠟蟻酒雙樽朝廷有待供軍餉海聞應思答聖恩將相
兼權真注意好平南服救中原

萬壽寺樓

至正二十三年秋七月來吳中

萬里涼風獨倚樓望中形勢壯吳州北臨江塹由天限西
圻湖波入海流鼓角沉雄城月曉亭津迢遞野烟秋未應
寶劍終銷鏤光氣猶能燭斗牛

席丘

天末諸峯奔萬馬席丘卻峙獨超羣鍾聲曉落湖江月山
色晴分楚越雲臺迴瑤琴殘鳳曲池深寶劍閔龍紋勾吳
奇觀登臨裏據石興歌對夕曛

劍池

已聞神劍千年化空俯靈池十丈寬泉脉尚通江海潤龍

光曾照斗牛寒飛梁背負層樓重老樹根將墮石罅一嘯
蒼崖回殺氣未容仙鬼詠悲酸

蘇臺懷古

鳥喙含羞還故國蛾眉揚笑入深宮龍月夜醉天池月仙
樂秋傳桂花風錯料敵讐難遽復那知霸業易成空層樓
景物如前日麋鹿自遊春中豐

和陳希白參軍垂虹橋

長虹化作石嵯峨震澤東頭飲逝波勢扼魚龍潛水府影
連烏鵲跨天河勝游應去牽牛近壯節真乘駟馬過今日
地維方板蕩力扶砥柱意如何

送舍弟忠歸上虞

汝兄隨牒猶爲客吾弟从游已弊衣霸國江山孤劍立海

天風雨一帆歸慈親髮白生新念先隴松青慨遠違亦欲
載書還別墅于今長路有危機

題天台陳彥脩所持畫扇

同客天涯又兩秋每因圖畫憶東州花邊得句吟偏好馬
首逢山看未休江海荒涼漁艇小乾坤浩蕩中亭幽何由
從爾月丘去更挾飛仙到處游

明月湖自中呈匏菴

海陵纔過又秦郵甍社湖中看白鷗鴨綠映空春漲濶驪
珠鬪月夜光浮暫經洲渚聽蛟杼真似神仙共綵舟俯仰
山川風氣混楚人強半作吳謳

登山陽郡城有感

麗譙雲起畫冥冥萬里吹醉眼醒地控東南淮水白天

崑齊魯太山青空聞得士居海島誰解分軍出井陘畫角
暮哀城上月向來豪傑已凋零

韓信城

淮流浩蕩楚原平嘆息英雄不再生天日可明歸漢志風
雲猶似下齊兵千年城郭名空在百戰山河姓幾更還酹
將軍一盃酒黃鸝碧草不勝情

洪澤

東流澤受群流廣遠近雲飛倒影過萬古蛟龍深處有太
陰雷雨四時多牙船實欲通泚水錦纜虛疑轉汴河會整
廢田重灌溉楚農齊唱有年歌

霸王營

將軍追鹿擁強兵叱咤諸侯盡膝行義帝弑來臣節失楚

人歌動霸心驚乾坤故壘餘形勝鄉里遺風尚戰爭青草
白波淮泗遠為誰擊劒烈風生

龜山

天際清淮春浩蕩雲邊故堞暮嶽峯佛狸百戰鈎車卻水
獸千年鐵鎖沉舉網老漁沿碧浪維舟孤客蔭青林勝游
誰在坡仙後滄海中原感壯心

泗州

整艤戈舡上泗州兵餘城郭似荒丘楚山猶是東南冠淮
水何為日夜流斷砌落花官舍靜夕陽歸燕野堂幽也皆光
如此非吾土擊筑尊前感壯游

盱眙

長淮清泗東南濶第一山當碧漢橫勝地幾回經戰馬客

自千里聽啼鶯波濤晴動僧伽塔草木春深義帝城天際
汴河來袞袞陳留遺俗冢關情

臨濠

吳船萬里泊濠州滿眼烟花亂客愁白骨近郊頻戰伐綠
尊何地獨追游觀魚月靜高臺上解佩風生巨石頭軍愛
塗山青未了幾時玉帛會諸侯

逍遙臺

逍遙臺倚青天外玩物何須與物齊出水游魚觀未了穿
花飛蝶夢先迷悠々蒙縣閑雲近渺々濠梁落日低若得
先生重說劍乾坤容易息征鞞

硤石山

淮甸西頭尋禹跡維州硤石見朝曦石從厚地分雙壁水